

Lax Entroido 2022

BASES DO "II CERTAME DE ESCAPARATES ENTROIDEIROS"



Concello de Laxe

INTRODUCCIÓN

Coa finalidade de contribuír á dinamización e promoción do comercio local do noso Concello, propoñemos esta 2ª edición do certame, no que poderán participar todos os locais e comercios da nosa vila, no que o "xurado", formado pola poboación en xeral e a veciñanza do noso concello en particular, **valorarán e premiarán a mellor decoración de escaparate ou entrada do local deste entroido 2022**.

1. PARTICIPANTES E FORMA DE INSCRICIÓN.

Poderán participar neste certame todos os locais e comercios do Concello de Laxe que entreguen a correspondente folla de inscrición, de xeito presencial no Rexistro Xeral da Casa do Concello ou de forma telemática a través da Sede Electrónica Municipal, e que de xeito individualizado, lle foi remitida dende o Concello a todos os locais e establecementos comerciais da nosa vila.

2. PRAZOS.

- **PRAZO DE INSCRICIÓN: do 21.02.2022 ó 28.02.2022.**
- **O 01.03.2022**, persoal do Concello de Laxe, **tomará fotografías dos escaparates e/ou entradas nos locais inscritos.**
- **O 02.03.2022**, **todas as fotografías dos establecementos participantes serán compartidas** na páxina e no perfil do Facebook municipal, así como a través de enlace web, tanto na web do Concello como entre as persoas dadas de alta no Servizo de mensaxería WhatsApp municipal de NovasLaxe.
- **PRAZO DA VOTACIÓN: do 02.03.2022 ata as 11.00 h. do 07.03.2022.**
- **ENTREGA DE DIPLOMA E AGASALLO CONMEMORATIVO** ó establecemento gañador: **a partir do día 08.03.2022 ata o 13.03.2022**, en función da dispoñibilidade do local e/ou comercio gañador.

3. FORMATO DAS VOTACIÓNS.

Habilitaranse **2 canles para que toda persoa que así o desexe poida emitir o seu voto:**

3.1. A TRAVÉS DO PERFIL E DA PÁXINA DE FACEBOOK DO CONCELLO DE LAXE, outorgando un "me gusta" á imaxe do escaparate/local mellor decorado.

3.2. POR MENSAXERÍA WHATSAPP NO SERVIZO MUNICIPAL DE NOVASLAXE: ENVIANDO UNHA MENSAXE Ó NÚMERO DE TELÉFONO 657 771 006 co seguinte texto: **"VOTO COMO MELLOR ESCAPARATE ENTROIDEIRO DO 2022 A (nome do local/comercio)....."**

****** No caso de que unha mesma persoa comunique varios votos, só se terá en conta o primeiro voto emitido cronoloxicamente.

4. DO XURADO E DO PROCEDIMENTO PARA A ELECCIÓN DO ESCAPARATE GAÑADOR.

- **O xurado estará formado por todas aquelas persoas que emitan os seus votos** a través das canles habilitadas e xa mencionadas no punto anterior.
- **O establecemento gañador**, será aquel que máis votos en positivo reciba como resultado de sumar os emitidos nas tres canles: "me gustas" na páxina de Facebook e no perfil de Facebook, e votos remitidos polo servizo de NovasLaxe do Concello de Laxe.
- **Do procedemento:**
 - Finalizado o prazo de votación, **o persoal técnico municipal, recompilará e sumará os votos** emitidos polas 3 canles habilitadas.
 - **Resolverá o certame a alcaldía do Concello de Laxe** en base ó informe de votación emitido polo persoal técnico, permanecendo dita Resolución **exposta no taboleiro de anuncios** da Casa do Concello.
 - **O resultado será comunicado** ó establecemento gañador así como nas redes sociais municipais e canles de comunicación habituais.

Lax Entroido 2022

BASES DO "II CERTAME DE ESCAPARATES ENTROIDEIROS"



Concello de Laxe

4. DEREITOS DE AUTOR e PROTECCIÓN DE DATOS DE CARÁCTER PERSOAL

- O Concello, resérvase o dereito de exposición, reprodución e publicación das fotografías tomadas dos diferentes establecementos, sen que, en ningún caso, medie ánimo de lucro e sen que poidan ser obxecto de compravenda.
- **En ningún caso, serán esixibles dereitos de autor.**
- Cada establecemento participante no devandito certame consinte que o Concello de Laxe faga públicos os datos relativos ó nome, enderezo e datos de contacto do dito establecemento, así como a fotografía da persoa propietaria de dito establecemento no momento da recollida e entrega do premio do certame, que se fará pública para o seu xeral coñecemento tanto ós medios de comunicación locais como a través dos medios de comunicación social dependentes do Concello de Laxe, previa autorización da persoa/s gañadora/s outorgada a través da mesma folla de inscrición.
- **Os datos persoais recollidos durante o certame, serán empregados, unicamente, coa finalidade de xestionar e executar este.**
- **O/s nome/s e apelidos da/s persoa/s que emitan os seus votos, en ningún caso serán feitos públicos, pero si serán necesarios para comprobar e tentar que cada persoa poida emitir un único voto.**
- **De acordo coa LOPD, Ley orgánica 15/1999, de 13 de decembro, de protección de datos de carácter persoal, os datos persoais facilitados para a participación no certame, serán incorporados en ficheiros dos que é responsable O Concello de Laxe.** Estes datos serán tratados de xeito totalmente confidencial e serán usados exclusivamente para os fins expresados. Se desexa exercer os seus dereitos de acceso, rectificación, oposición ou cancelación dos seus datos persoais que figuran nos nosos rexistros, por favor, solicíteo escribindo un correo electrónico a cultura@concellodelaxe.com ou enviando unha carta ó noso enderezo postal enriba indicado.

5. A participación neste certame supón a TOTAL ACEPTACIÓN DAS BASES.

